

Pejabat Pengurusan Penyelidikan, Inovasi, Pengkomersilan dan Perundingan (ORICC)

KURSUS PRA-PERSIJILAN HALAL USAHAWAN PRODUK MAKANAN DAERAH BATU PAHAT, JOHOR

Pada 11 Januari 2017, Kursus Pra-Persijilan Halal Usahawan Produk Makanan Daerah Batu Pahat, Johor di bawah projek Institut Inovasi Strategik Johor (IISJ) telah diadakan di Dewan Jamuan, Perpustakaan Tunku Tun Aminah UTHM. Program yang dianjurkan oleh Universiti Teknologi Malaysia (UTM) dengan kerjasama UTHM dan Majlis Agama Islam Johor ini dikendalikan oleh Ustaz Hj. Mohd Zamri Kambari, Ketua Penolong Pengarah, Bahagian Pengurusan Halal, Jabatan Agama Islam Johor. Objektif utama kursus ini adalah untuk memberi pendedahan kepada peserta mengenai prosedur menyediakan dokumentasi permohonan sijil halal yang diakui oleh pihak JAKIM.



Seramai 37 peserta yang terdiri dari pengusaha-pengusaha Industri Kecil dan Sederhana (IKS) dari sekitar Batu Pahat menyertai program ini. Kursus ini dijalankan secara percuma kepada usahawan yang hadir.

TAKLIMAT MALAYSIA RESEARCH ASSESSMENT 2016 (MyRA@2016)

Pada 11 Januari 2017 bertempat di Dewan Jemaah, Aras 5, Perpustakaan Tunku Tun Aminah telah diadakan Taklimat Malaysia Research Assessment 2016 (MyRA@2016) kepada Pegawai-Pegawai Kanan dan Pegawai-Pegawai Universiti. Taklimat tersebut telah disampaikan oleh Profesor Dr. Ruzairi Abdul Rahim, Timbalan Naib Canselor (Penyelidikan dan Inovasi) yang juga merupakan salah seorang *Panel Task-Force MyRA*, Kementerian Pendidikan Tinggi (KPT). Taklimat menyentuh mengenai Glosari MyRA, sistem pemarkahan dan pengauditan. Diharapkan agar taklimat ini dapat memberi kesedaran dan kefahaman kepada Pegawai-Pegawai Universiti mengenai kepentingan penarafan MyRA kepada Universiti Awam.



TAKLIMAT PUBLIC PRIVATE RESEARCH NETWORK (PPRN)

Pada 15 Januari 2017, taklimat berkaitan Geran *Public Private Research Network (PPRN)* bertajuk **How to Win PPRN Project?** telah diadakan di Bilik Seminar 2, Fakulti Kejuruteraan Elektrik dan Elektronik (FKEE). Taklimat ini disampaikan oleh Profesor Madya Dr. Nik Hisyamudin Muhd. Nor, Timbalan Dekan Pusat Inovasi, Pengkomersilan dan Perundingan (ICC) dan Profesor Madya Dr. Wan Fauzi @ Wan Fauziah Wan Yusoff, Pengarah Pusat Perniagaan dan Keusahawanan. Taklimat diadakan bertujuan untuk menyampaikan maklumat mengenai prosedur dan tatacara memohon geran tersebut. Objektif penawaran Geran PPRN oleh Kementerian Pendidikan Tinggi adalah bagi mewujudkan '*Knowledge-Friendly Ecosystem*' di Malaysia di mana para penyelidik membantu pihak industri untuk meningkatkan teknologi dalam perusahaan mereka.



bantu pihak industri untuk meningkatkan teknologi dalam perusahaan mereka.